

rakli, uxljavel pes, kato uxljavel pes i rakli o bala lakere svetinena, dikhi but, kaj celo ezero svetinel lakhere balendar. But bari krasota, šukar rakli, do nemaj kade. Obače i rakli kato iklistili večem te uriel pes, akate po šero, okote po šero, i boxča nanaj thanj e šexenca, nanaj talo davkha so trebinel leskhe nanašti džal peske nangi.

– Bre-e-e... phenla so kergjom, davkha nisar na slučisajlo pes mancar, akate po šero, okote po šero, nangi da si, nanaj so te kherel, počningjas te molinel pes.

– Devla, ako si mruž, mo phral te ovel, ako si žuvli, mi phen te ovel, ako si phuro, mo dad te ovel, ako si phuri mi dajori te ovel. Te sikhavel pes mange. Koi liljas mi boxča? Našti džav mange, mo dad ka čšinel man khere.

A-a-a palal kat ikhlol, kat dikhljas les:

– I-i-i dikhljom, dikhljom phenla, pa dikhi šukare pa mrušes, pa na dikhljom.

Del les angali cuk-cuk čumidel les.

– Sar prepelijan athe be mruša?

– Xe-e-e, pa me sinjom Filjane, Filjane thagarestar.

– Ei tut li mo dad rodel, džarel te aves. Ka čšinel tut, no salkhe šukare manušes phenla, čšinel li pes, mo dad si but glupavo, phenla. Sar ka čšinel tut!

– E so te keras raklie?

– Ela katka phenla.

Pekhjarel les jekh koredini kherel les suvjate, tap-p-p thovel les peske katka. Uriel pe šehja fyr-r-r gelipeske. Dinjas peske an pe stajate, pašlili peske.

Uxkhiel andi javin o thagar, barabani marel, so si narodos khidel:

– Na dikhlen li, Filjane, Filjane manušes te del, dekhe aver dyržavatar manuš an me stolicate?

– Na-a thagara te thagaripnasa nikas na dikhljam!

– E-e-e phenel, so te keras?